

新輯賤彙題注

宮殿

甘泉宮賦

雍錄古以甘泉名宮者三秦在渭南漢在雲陽隋在鄠縣元和郡國志甘泉宮武帝以五月避暑於此八月乃還

漢劉歆六朝體

許昌宮賦

魏志明帝紀太和六年九月治許昌宮南齊禮志後魏文修洛陽宮室權都許昌宮殿狹小元日於城南立甍殿青帷以爲門

魏卞蘭 楊修俱六朝體

上陽宮賦

隋書河南桃林注有上陽宮唐地理志注在東都
禁苑之東東接皇城之西南隅上元二年置高宗
之季常居以聽政 唐賈登六朝體

望春宮賦

唐書姚南仲傳王者必據高明燭幽隱先皇所以
因龍首而建望春也韋堅傳左有望春宮堅於下
鑿爲潭以通漕唐地理志京兆萬年縣注有望春
宮臨澧水西岸有北望春宮宮東有廣運潭 唐
闕名律賦體

華清宮望幸賦

地理志京兆府昭應縣有宮在驪山下正觀十八
年置咸亨二年始名溫泉宮天寶六載更溫泉曰
華清宮玉海自開元十五年至天寶十四載幸華
清宮凡二十八率歲一幸或一歲再幸 唐李程
律賦體

晴望長春宮賦

方輿紀要長春宮在西安府朝邑縣西北後周保
定五年宇文護所築隋開皇中增構殿宇大業十
三年唐公淵自河東濟河至朝邑舍於長春宮武

唐書卷五
德二年使世民鎮焉玉海唐高祖起義九月甲子
次長春宮太宗正觀十二年二月甲戌如長春宮
免朝邑今歲租賦降囚罪元宗開元八年十月辛
巳如長春宮 唐梁洽六朝體

乾清宮賦

從信錄永樂十五年建北京奉天殿乾清宮越六
日督工陳珪等奏二處卿雲呈彩五色

不收 明黃佐六朝體

明堂賦

大戴記明堂者古有之也注淮南子言神農之世

祀以明堂禮記外傳明堂古者天子布政之宮在國南十里之內七里之外黃帝享百神於明庭是也唐虞爲五府夏謂大廟爲世室殷謂路寢爲重屋周謂五府爲明堂蔡邕明堂論明堂者天子太廟所以崇禮其祖以配上帝夏日世室殷曰重屋周日明堂東曰青陽南曰明堂西曰總章北曰玄堂中曰太室聖人南面嚮明而治故雖有五名而主以明堂其正中皆曰太廟爲大教之宮四學具焉取其宗祀之清貌則曰清廟取其正室之貌則曰太廟取其尊崇則曰太室取其堂則曰明堂取

其四門之學則曰太學取其四面周水圓如璧則
曰辟雍異名而同事其實一也 唐李白 劉允
濟 于沼律賦體

德陽殿賦

蔡質漢儀正月旦天子幸德陽殿臨軒公卿將大
夫官各陪朝賀德陽殿周旋容萬人陛高一丈皆
文石作壇激水殿下畫屋朱梁玉陛金柱刻鏤作
宮掖之好厠以青翡翠一柱二帶韜以赤緹漢書
鍾離意傳德陽殿成百官大會明帝思意言謂公
卿曰鍾離尙書若在此殿不立 漢李尤六朝體

魯靈光殿賦

漢王延壽賦序魯靈光殿者蓋景帝程姬之子恭
王餘之所立也初恭王始都下國好治宮室遂因
魯僖基兆而營焉遭漢中微盜賊奔突自西京未
央建章之殿皆見隳壞而靈光巋然獨存意者豈
非神明依憑支持以保漢室者也然其規矩制度
合上應星宿亦所以永安也漢書恭王彊傳注殿在
今兗州曲阜城中故基東西二十丈南北十二丈
高丈餘漢王延壽六朝體賦基巋然獨存意者豈
景福殿賦

魏明帝紀太和六年九月治許昌宮起景福承光
殿水經注許昌城內有景福殿基魏明帝太和中
造 魏何晏 韋誕 夏侯惠俱六朝體

含元殿賦

會要龍朔三年四月二十二日移仗就蓬萊宮新
作含元殿長安元年十二月一日改爲大明殿神
龍元年二月復爲含元 唐李華六朝體

明光殿粉壁賦

漢官儀尙書奏事於明光殿三秦記桂宮中有明
光殿皆金玉珠璣爲簾箔金甃玉階晝夜光明

鴻慶宮三聖殿賦

宋劉攽賦序陛下追述祖考崇奉明祀新作三聖殿以昭孝明功於天下臣目覩盛事不敢以鄙薄自絀輒作古賦一篇歌咏盛德按三聖太祖太宗眞宗也 宋樊鑄律賦體

慈寧殿賦

玉海紹興九年正月二十二日修太后殿十一月八日上親書慈寧之殿 宋王仲言古體

皇極殿賦

春明夢餘錄皇極殿九間中爲寶座座傍列鎮器

兩壁列大龍樹中貯三代鼎彝每遇正旦冬至聖
壽則御焉明徐顯卿賦序成祖文皇北建行宮因
以定都世宗肅皇之季始承天意而鼎新之榜正
殿曰皇極蓋取洪範五居中宮曰皇極惟皇建極
惟臣會歸之義也 明徐顯卿六朝體

建章鳳闕賦

漢書郊祀志栢梁災於是作建章宮度爲千門萬
戶前殿度高未央其東則鳳闕高二十餘丈東方
朔傳陛下以城中爲小圖起建章左鳳闕右神明
號稱千門萬戶 魏繁欽六朝體

象魏賦

左傳鄭伯亨王於闕西辟注闕象魏疏正義曰其上垂法象巍巍高大謂之象魏使人觀之謂之觀玉海易氏曰治之見於象者爲治象書治象之法者爲象魏兩觀之垂治象者爲魏闕 唐顏真卿
軼黎逢律賦體

總章右个賦

禮月令季秋之月天子居總章右个注總章右个
西堂北偏 唐蕭昕律賦體

花萼樓賦

唐書讓皇帝傳元宗爲太子嘗製大衾長枕將與
諸王共之睿宗知喜甚及光天後盡以降慶舊邸
爲興慶宮而賜憲及薛王第於勝業坊中岐二王
居安興坊環列宮側天子於宮西南置樓其西署
曰花萼相輝之樓南曰勤政務本之樓帝時登之
聞諸王作樂必亟召升樓與楊同坐 唐王誣

高蓋 張甫 陶舉 敬括 俱律賦體

廣達樓賦

玄宗實錄開元二十四年八月壬子千秋節御廣
達樓宴羣臣奏九部樂內出舞人繩伎頒賜有差

唐李濯律賦體

五鳳樓賦

方輿紀要河南府城門凡六中五鳳樓玉海梁周翰有五鳳樓賦乃東京也宋梁周翰六朝體

集靈臺賦

舊紀天寶元年十月辛丑造長生殿名爲集靈臺以祀天神唐張良器律賦體

通天臺賦

漢書武帝紀元封二年春幸緱氏遂至東萊夏四月還祠太山至匏子臨決河還作甘泉通天臺注

師古曰言此臺高上通於天漢舊儀高三十丈去
長安三百里望見長安城

唐任公叔六朝體
楊系律賦體

測景臺賦

地理志河南府陽城注有測景臺會要儀鳳四年
五月太史令姚元辯奏於陽城測景臺依古法立
八尺表夏至日測景一尺五寸正與古法同調露
元年十一月於陽城周公測景所得土圭長一丈
二尺七寸

唐范榮 唐闕名 俱律賦體

平樂觀賦

方輿紀要平樂觀在河南府故洛城西門外西域

賦元康二年烏孫元貴靡願復尙漢宮主天子自
臨平樂觀令匈奴使外國君長大角抵設樂而遣
之 漢李尤六朝體

東觀賦

洛陽宮殿名南宮有東觀漢氏圖籍所在後漢書
安帝紀詔謁者劉珍及五經博士校定東觀五經
諸子傳記百家藝術整齊脫誤是正文字 漢李
尤六朝體

朝元閣賦

唐書席豫傳天寶初元宗朝元閣賦詩羣臣屬和

帝以豫詩最工詔曰詩人冠冕也會要天寶七年十二月十日立元皇帝降於朝元閣改爲降聖閣實錄天寶十載十月乙丑御朝元閣有慶雲見上賦詩羣臣畢賀唐孫翊仁律賦體

初日見朝元閣賦

注見上

唐郭遵律賦體

石渠閣賦

三輔黃圖石渠閣蕭何造其下礮石爲渠以導水若今御溝因爲閣名藏入關所得秦之圖籍又成帝於此藏秘書焉元劉性吳浩俱律賦體

麒麟閣賦